

欽定大清會典事例

欽定大清會典事例卷二百十一

戶部

海運

收買捐辦限沿途段落道里巡防護送受兌放洋期

飭回空

稽查催趕

剝船斛袋

收買捐辦○道光六年

諭海運現已陸續到津沙船餘米不下十萬餘石前經降旨照南糧餘米例聽天津民人照市價收買茲據英和奏沙船宜令速歸趕運二次米石恐該商等希圖賤價售買觀望不前請由部動用銀二十萬兩官為收買著順天府即派委員赴部領銀分起解往

天津暫存道庫並著穆彰阿等於正米收竣後即傳
諭江南委員如有船戶願賣餘米聽該處民人照市
價收買儻該處不能銷售即動項照市價官為收買
其價銀由江南委員轉發船戶毋得假手吏胥致啟
勒指短發諸弊俾沙船得以早歸毋誤二次接運○

又奏准收買餘米即由江南委員按船將收買
餘米數即單報坐糧廳兌竣正米之後即斛收
此項餘米仍將實收若干知會江南委員照數
發價以歸簡速如有情願賣與民人者仍聽其
便其剝價及津通一切經費悉照海運章程辦

理事竣分別報銷。二十九年覆准此次請辦
捐米原為籌備京倉儲積之需。杭米一項較各
米質地堅實堪以久儲自不容私。稜攏雜致滋
流弊。惟專收杭米誠恐市價騰貴不得不量為
變通並收私稅查漕糧私米向抵作稻米支放。
應照稻米酌加二成以一石二斗抵杭米一石。
作銀四兩務令揀選乾潔堅實之米方准報捐。
即於各捐生名下分析註明捐何項米色若干。
合銀若干並造送船號米數各冊內亦須註明
某船裝運某捐生何項米色若干以憑查覈。

咸豐二年覆准餘米一項道光六年係官為收買二十八年係令商船自行變賣此次沙船抵津交兌時應由江蘇派出駐津糧道察看有無應須賠補覈明米數稟請驗米大臣隨時酌辦○三年議准沙船餘賸耗米道光六年係官為收買二十八年及咸豐二年係自行變賣此次浙江省沙船餘米到津驗收時除徵變虧短飭令該商等將此項米石賠補外仍有贏餘或照道光六年成案官為收買或照上兩屆成案自行變賣應俟驗收大臣臨時體察米色之能否乾

潔價值之能否平減。分別奏辦。如大幫已到而
尚有尾船未至。即由該省交米委員籌買補足。
交兌以速運務而免缺額。其尾船如本未開行。
即飭知該船戶由南繳價。如有續行到津船米。
是否官為收買。抑或自行變價還款之處。統俟
臨時察看情形。酌量辦理。○五年議准。如各商
船能於餘米之外。多帶杭米到津售賣。並令驗
米大臣秉公定價。務使商有餘利。毋任吏胥剋
扣。致令商船畏阻。○六年覆准。氣頭艙底歷屆
海運。均由直隸總局派員收買。原係防商船攬

和之弊。本年海運於直隸總局派員收買之外。
並飭令該省糧道揀派隨帶委員將氣頭艙底。
認真起除秉公收買。仍於直局酌派廉明委員
一二人專司稽查。毋許市僧抑價亦毋許商船
私自攬和以肅運務而恤商情。九年議准此。
次滬商運米赴津豫抵新漕首在簡捷迅速。毋
庸另設省局滬局即由司道督率調度邀集熟
悉運務紳董令各號商措墊資本分赴產米之
區採買乾圓潔淨好米迅即運回裝兌上船仍
由蘇松太道覆加盤驗不准稍有攬雜。

採辦漕糧。○同治七年奏准。福建省購米十萬石。由輪船運赴天津。經過各關口免徵釐稅。查驗放行。○又奏准。江蘇省田捐採買米三萬石。試用夾板船運津。○十三年奏准。江西省在滬採辦漕糧八萬石。交招商局由海運津。每石腳價銀二兩七錢。共需銀二十一萬餘兩。不敷之項。於未經辦運漕項各款內酌提支銷。○光緒元年奏准。湖南省漕糧採辦正耗米二萬三百四十五石。由海運津。剝兌通倉交收。○又奏准。湖北省採買漕米三萬石。交招商局由海運津。

按照起運正漕三萬石之數。在漕糧正米折價款內動支銀三萬九千兩。此內尚有不敷。即於濟運之隨淺水腳兌費項下開支。由該糧道查照江浙成案覈實報銷。

受兌放洋期限○道光五年

諭初次沙船在上海兌米著即儘船受兌不必拘定分
勻二次配運以免遲誤○咸豐元年覆准各屬運米
到滬至遲不得過二月初十日以前儻有逾違
或水腳等銀不齊即將該州縣嚴叅○又覆准
沙船駛至山東洋面不准稽留停泊仍限於二

月十五日以前由上海一律開行勒限於三月
內全數到津儻州縣兌運則叅州縣船戶開運
責成船主賠運○三年

諭江浙海運前有旨令倪良耀總司其事疊次飭部飛
催正擬此時已可開船出洋何以遲至今日始奏稱
漕米遲滯勒限嚴催耶該藩司如果及早催徵將延
誤之州縣先行嚴叅懲處亦何致相率效尤輒以軍
書旁午花戶不前藉口推諉現在江浙各屬運米到
滬者為數尚屬無多似此觀望遷延必至貽誤正供
咎將誰歸著即嚴飭各州縣趕緊運米赴滬勒限二

月內歸數運到剋期放洋儻各屬再敢託詞有意遲誤即行嚴究必當從重拏問治罪以儆玩延○又奏准咸豐二年海運報完日期係在五月十九日比較道光二十八年早完一月有餘辦理甚為妥協但在津驗收之遲遠總以沙船抵津之早晚為憑務須提前趕辦隨驗隨裝隨裝隨運催令連帆北上能得一次裝運齊全更為簡捷儻必須兩次接運即令第一次儘船裝足及早放洋以後絡繹開行前牽後搭不必拘定兩運成數以免守候稽遲其首先抵津船隻即飭趕緊

騰空及早回南找裝第二次糧米。總期五月以前。兩次船米悉數抵津迅速辦理愈早愈妙。○四年議准江浙兩省應運本屆漕糧前令統於年内運赴海口派船裝兌一俟開春即行放洋北上務使來歲三月內全數運津及早驗收毋稍遲誤。○五年議准海船行駛全賴南風司令若遲至秋後不但行走稍遲且恐洋面失事此次海運務令於三月內放洋抵津儻有遲延查係州縣兌遲即將州縣嚴參船戶開遲即將耆舶究處毋任貽誤。○九年覆准江蘇省漕米擬

先運四五十萬石。自中秋後起至十一月陸續放洋赴津交兌。惟將來由津抵通時節候漸遲。晷刻漸短。所有通壩應用口袋車船均須先事備齊。免致臨時貽誤。

沿途段落道里。○第一段海船自上海縣黃浦口岸東行五十里。出吳淞口入洋。繞行寶山縣之復寶沙池。至崇明縣之新開河。計一百一十里。又七十里至十滧。是為內洋。十滧可泊船為候風放洋之所。隸崇明縣屬。○第二段自十滧開行。即屬外洋。東池一百八十里至余山一名。

蛇山又名南槎山係荒礦上無居民不可泊但能寄碇為東出大洋之標準係蘇松鎮所轄○第三段自佘山駛至大洋向正北微偏東行至通州呂泗場對出之洋面約二百餘里水深丈可寄碇從此以北入黑水大洋至大洋梢對出之洋面約一百四十里係狼山鎮右營所轄又北如皋縣對出之洋面起至黃沙洋港對出之洋面約二百六十里又北泰州對出之洋面起至黃家港對出之洋面約二百二十里係狼山鎮掘港營所轄又北至鬪龍港對出之洋面

約二百里。又北至射陽湖對出之洋面約一百二十里。係鹽城營所轄。又北至黃河口對出之洋面約一百二十里。係廟灣營所轄。黃河口稍南有沙埂五條。船行遇東風。則慮淺閣。宜避之。又北至安東縣灌河口對出之洋面約九十里。係佃湖營所轄。又北至海州贛榆縣鷹游門對出之洋面約一百八十里。係東海營所轄。計自余山大洋以北起。至鷹游門對出之洋面止。約共一千五六百里。統歸狼山鎮汎地。凡舟行過余山。即四顧汪洋。無島嶼可依。行船用羅盤格。

定方向轉鋏向北略東行如東南風則鋏頭偏
東一箇字如西南風則鋏用子午查江南余山
與山東鐵槎山南北遙對謂之南槎北槎行船
應用子午正鋏因江境雲梯關外迤東有大沙
一道自西向東接漲甚遠暗伏海中恐東風過
胚船行落西是以鋏頭必須偏東一箇字避過
暗沙再換正鋏此沙徑東北積為沙埂舟人呼
為沙頭山若船行過於偏東一直上北便見高
麗諸山故將至大沙外仍須偏西始能對成山
一帶也○第四段行過鷹游門對出之洋面往

北即山東日照縣界。山東水師南洋汎所轄。又北至文登縣之鐵槎山。一名北槎山。自余山至此始見島嶼。又北至文登縣之馬頭嶺。入東洋汎界。經由蘇山島、靖海衛及榮成縣之石島、養魚池、石島。居民稠密。可泊。惟島門東南向。春時乘風易入。難出。自鷹游門至石島約六百餘里。大洋中雖航工以鍼盤定方向。猶須常用水托。水托者。以鉛為墜。用繩繫之。探水取則也。每五尺為一托。查十激開船試水。自十托至二十托。上下行過余山。試水均在三十托上下。順風二

日餘均係黑水。再試至十托上下，即知船到大沙洋面。行過大沙，試水漸深，至五十托上下，視水綠色，則係山東洋面。順風再一日，試水二十托上下，水仍綠色。遙望北槎山及石島一帶山頭，隱隱可見。再行半日，即至石島洋面。此商船赴北一定鍼路也。○第五段：自石島至俚島，洋面約一百六十里。俚島至成山，洋面約一百四十里。俱榮成縣地，為南北扼要之所。泊水綠色，鍼盤仍用子午，略偏東。從成山轉頭，改鍼向西，略北入北洋汎界。至文登縣之劉公島，約一

百里。又西至威海衛一百餘里。又西至福山縣之采島一百里。又北至蓬萊縣之廟島二百里。以上自石島起至廟島止。約共九百餘里。之采島西北一帶有暗礁。船行偏東以避之。又廟島之東有長山頭淺灘。宜避。試水在十五六托至二十托不等。船至廟島以東南風為大順。計東省洋面共一百零五島。中有二十五島最為海道要地。而廟島尤大。可以停泊。○第六段。自廟島過掖縣小石島。即入直隸天津海口。約九百里。鍼對大西偏北。沿途試水在十四五托。再

試水至六托上下水黃色。水底輒泥即可拋錨。候潮進口。約計天津海口逆流輓繩一百八十餘里。即抵天津東關外。總計海運水程共合四千餘里。

巡防護送○道光五年

諭沿海水師會哨巡防除由該督臨時移行該提鎮將備統巡分巡外。著山東直隸各督撫轉飭沿海水師提鎮各按汎地多撥哨船分派將弁兵丁巡防護送。並著該督屆期奏派武職大員二人押坐商船赴津以資稽考。○又奏准上海交兌之時。由該督撫等先

期若照浙江提鎮水師營出哨招寶陳錢一帶
地方江南提鎮水師營出哨大小洋山會於馬
迹山山東總鎮出哨成山石島會於鷹游門以
資彈壓護送○又奏准江南省商船出吳淞江
口由寶山崇明至余山東駛繞出五道沙外洋
轉東越過東省交界之鷹游門直走東大洋即
交山東水師所管南汎洋界大洋中千餘里並
無山島可泊直至即墨縣之勞山文登縣之北
槎山始見島嶼如無風便暫須收泊則在日照
縣之夾倉口膠州之古鎮口均可寄碇膠州之

唐島即墨縣之青島海陽縣之棉花島乳山口等處皆可停泊再至文登縣之馬頭觜即入東汎洋界經由文登縣之蘇山島。靖海衛榮成縣之龍口崖養魚池均可寄碇至榮成縣之石島俚島即可收泊轉過成山頭向西馳即入北汎洋界經由文登縣之劉公島甯海州之崆峒島文登縣之威海衛甯海州之養馬島福山縣之之罘島八角口黃縣之黃河營屺埠島蓬萊縣之廟島掖縣之小石島皆可收泊即達直隸鹽山縣大沽河出境計東省洋面共一百五島明

年漕運經行可寄錨收泊者此二十五處島嶼
最為海道要地其間居民叢雜宵小易藏較之
洋面巡防尤關緊要自應分派弁兵嚴密巡查
以資彈壓○又奏准水師洋面膠州南汎管轄
一千六百八十里成山東汎管轄三百九十里
登州北汎管轄一千七百七十里內除赴關東
洋面三百三十里外實在洋面運道三千五百
一十里至水師營額設戰守兵五百三十五名
戰船十隻。艦船二隻。戰船每隻配兵四十名。艦
船每隻配兵三十名。向由營員督率官弁管駕

每年三月內出洋巡哨九月內回哨歷年已久
島嶼安靜惟海道與河道不同重運出洋乘風
逐浪四散分馳勢不能銜尾聯幫防護尤為至
要自應責成該管遊擊守備率弁兵於糧船
入境之先將島嶼險要之處詳細搜查迎護糧
船入境小心巡防護送互相稽查偷安怠惰者
隨時參辦仍令登州鎮屆時前往沿海一帶督
查以昭慎重○又奏准南北東三汛額設戰船
十隻船船二隻內南汛二號戰船一隻北汛八
十兩號戰船二隻均飭令速行修理儻或辦理

不及即就近雇覓堅大商船暫時應用以為巡
哨之需沿海礮臺墩臺損壞者作速估修俾防
守兵丁得有棲身之所一切器械逐件查點務
一律整齊適用○又奏定巡防章程一東省戰
船巡哨向係三月出洋九月回哨此次防護糧
船總以接到江南咨會將運漕船隻定於何時
開洋豫先行知所有南北東三汛戰船於明歲
春融後即行配兵出洋巡查不必拘定三月九
月之限一東省洋面南自鷹游門入境北至直
隸鹽山縣大沽河出境所有三汛巡哨戰船俱

派赴各該管洋面梭織巡查。遞相護送。南米漕
船既由吳淞江出口。自必避五道沙。繞出大洋。
不由鷹游門行走。而鷹游門為入東海防要地。
仍令該管之南汎戰船照舊巡至鷹游門交界。
洋面以昭周密。一巡哨船隻分派備弁等官應
立統巡分巡名目。並按所管汎地作為專汎兼
轄。應由登州鎮派定出巡。咨明立案。以專責成。
其巡哨弁兵如敢任意停泊。怠情偷安。從嚴參
究。一漕運經行海道。凡可以寄碇收泊之島。率
多居民雜處。難保無宵小匪徒妄生覬覦。應令

登州鎮於漕運將到之時擇其最要各島另於
陸路各營就近酌撥千把員弁帶領兵丁數名
或十餘名視島嶼之大小定兵之多寡分駐要
隘嚴密稽查如有匪徒立即拏捕一沿海各島
漁船務遵定例於造船時申報查取漁甲族鄰
保結印烙字號給予執照開明年貌籍貫十船
編為一甲由汎口驗照挂號始准出入一沿海
設立礮臺墩臺各處每相距二三十里且有遠
至六七十里者僅撥三五兵丁殊不足以資接
應飭令沿海各州縣於相距較遠礮臺墩臺適

中之地設立卡房一二處酌撥壯役五名就近再由營撥兵三名在彼巡守以期與礮臺墩臺汛兵聲勢聯絡再兗州鎮之武定安東二營亦有沿海口岸向設水師官兵於洋面例無責成應令登州鎮屆期酌派官兵於沿海口岸陸路一體嚴密稽查以歸周而○咸豐四年

諭昨經降旨令怡良等派令狼山鎮總兵泊承陞督帶師船於海運沙船放洋時護送出口惟天津進口時仍須有江浙武職大員會同稽查更為得力著怡良許乃釗黃宗漢於江浙兩省水師內迅速揀派武職

大員酌帶兵丁隨同海運沙船頭起先來天津與所派文員稽查彈壓○五年

諭海船北駛以余山石島為寄碇之所以牛莊為裝卸貨物之地盜艇伺劫多在該三處口岸必須嚴行扼守始能保護新漕前據何桂清奏甯波上海商人各雇用火輪船一隻以一隻駐泊余山以一隻在南洋梭織巡護本日復據邵燦奏由商捐雇網梢船二十隻與浙江商船合力守駐余山是南洋盜艇當可絕其來源其北洋牛莊石島等處亦應豫籌扼堵著英隆書元崇恩嚴飭水師將弁實力巡哨認真勦捕務

使匪船無從窺伺以利漕行至海運沙船自十激放
洋後向派武職大員長途押護據該漕督奏稱徒滋
糜費自係實情此次海運即毋庸專派水師大員著
怡良吉爾杭阿何桂清崇恩責成沿海水師逐程遞
護何處見有盜船即將何處水師員弁叅辦不得互
相推諉致有疏失○六年議准現據甯商滬商各捐
置火輪船一隻在東南洋面巡緝應令該省局
員諄飭甯滬各商遇新漕裝兌開行時即將所
雇火輪船隻分別扼要巡防並飭網梢船勇會
同師船出洋巡護仍嚴飭各鎮將督率員弁認

真防範逐程遞護毋稍鬆懈○八年

諭現在江浙兩省漕船業已開行洋面恐有疏虞必須妥為護送山東師船不敷分布著何桂清趙德轍即飭令前派輪勇各船於漕船北上時跟蹤護送並令到山東洋面巡緝以壯聲威至江省護漕師船著遵照舊章飭令送至石島洋面交替明白方准南旋以重漕運

催飭回空○道光六年

諭販豆條該船商常年本業且海船利於壓重不能駛放空船自應准其照常往販惟尚有二次兌運必應

迅速南下。著奉天府尹飭各該地方官俟商船到彼即令置貨開行。毋得勒擣並飛咨經過直隸山東各省轉飭沿途海口催令南歸。毋任逗遛貽誤。○又

諭本日據陶澍奏截至二月二十一日止共兌正耗米一百一十二萬二千餘石。惟通計米數有一百六十三萬三千餘石。各船不敷裝載。不能不分兩運。一過春夏之交。南風司令北船回滬較難。惟恃初運船迅速回櫂。得資趕辦。晉昌等接奉此旨。即飭各該地方官俟商船一到。即令置貨開行。毋得刁難勒擣並飛咨經過各省。轉飭沿途海口催令迅速南回。趕辦二

次兌運此為至要○又

諭陶澍奏請飭催沙船以速海運據稱現計存米尚有三十餘萬石專待前船回櫂方能全行起運其辦運員役人夫亦須及早竣事方可裁撤以節經費等語穆彰阿接奉此旨即將現到沙船加緊剝運愈速愈妙並迅速收買餘米俾沙船得以早歸無誤二次接運○七年奏准商船交米之後攬載回南即令趕緊南駛其南來商船亦飭迅速卸竣回南免致誤

運

稽查催趲○道光五年

諭剝運米石抵通後轉運京倉。仍恐經紀車戶人等尚有偷漏積壓等弊。屆時著派步軍統領衙門文武員弁沿途往來稽查。以昭嚴肅。○又覆准剝船分起運通沿途文武營汛員弁稽查催趲毋任剝船無故逗遛亦不許將米石顆粒上岸。以杜偷漏攬和之弊。○二十八年覆准剝船抵通如查有攬和偷漏等弊。由倉場衙門將承運之經紀舞弊之船戶分別奏咨送交刑部嚴行懲辦。按數追賠其剝船每隻除船戶外尚有水手四名足敷撐駕回空接續後運。○同治四年奏准剝船受

載後飭令委員蓋用灰印嚴密封銷於沿河地方酌分十段委員晝夜分巡復派楊村通判河西務同知就近實力催查以杜弊端○六年奏准運河東岸地力素為船戶舞弊之所專派文武員弁會同地方官嚴密訪查○八年奏准揀派總理封艙記印委員外復另派職分較大者一員總司稽查受兌一切事宜○又奏准自津至通分作四站派委文職四名按站節節催提俾得迅速轉運○又奏准隨帶司員按日分作四班輪流前往兌撥封艙處所留心考察如該

委員等意存玩忽或有別項情弊即行查究

剝船斛袋○道光五年覆准官剝民船按裝運
米數覈發剝價並於駛抵水次時先行逐船查
驗排幫編號分剝安頓事務紛繁必須在水次
親身經理天津縣有應辦地方事宜僅堪總司
出納未能久駐河干專心管理即仿照楊村起
剝章程在龍王廟設立總局遴委丞倅二員帶
同佐雜數員由天津縣酌派書役專駐局內俟
剝船到日驗收記檔以一百六十隻為一幫製
備旗幟書明第幾幫第幾號船戶姓名令其挨

順停候所有設局派員經理由該督邁委妥員辦理其收發各款銀兩仍責成天津道專轄其事奏銷時由該藩司天津道詳覈造報不得諉卸於丞倅佐雜各員俾出納均歸覈實○又奏准向來每日用斛八十隻起米三萬四五千石若海船起米仍照每日三萬數千石之數必致稽遲有誤豆汎此次添製斛一百隻俾敷起卸並由地方官多雇人夫應用○又奏准例設口袋十八萬條分撥脯壩各處以敷輪轉惟海船起米勢難敷用現添製口袋五萬條專備天津

起米之用。又覆准直隸省額設官剝船二千五百隻。內分撥故城等處備剝船二百隻。又留給楊村八百隻。下餘一千五百隻。豫期齊集天津排列沿河備用。仍按照歷年剝運奉米等項雇用民船數目。從寬籌備分飭沿河州縣雇覓堪裝漕糧二百五十石民船五百隻。連官剝船共成二千隻。以備裝用。如首次海運抵津之期已將屆。豫東軍船回空之候。查明北倉尚有滯漕未經運兌。即暫留剝運滯漕俟剝運完竣。即留津備剝海運漕糧設盤壩南糧軍船連船入

直約計楊村所存剝船不敷輪用或再添雇民
船或即於所雇五百隻之內抽撥應用仍隨時
察看情形酌辦○又覆准海運白糧仍照向例
備帶麻袋交海船裝運俟到天津查驗米色另
行起卸上岸專用民船裝載責令押運官帶同
白糧經紀並兵役人等照料運通俟起卸後經
紀自行轉運進倉交納至白糧到壩向須掣秤
明年天津起卸若照向年過秤必致遲延應改
用斛收以期迅速○又覆准商船首次抵津是
時清口盤壩之南糧尚未北來無須起斛官剝

船額設二千五百隻。加以添雇民剝海運到津之糧儘數撥運。商船首次抵津時先儘最近之天津府縣倉廒廟宇暫行撥卸一二十萬石。其餘米石令剝船徑行運通。隨後將天津府縣倉廒廟宇所儲漕米即行運通。毋庸轉卸北倉致多周折。商船更得早日回南不誤往來裝運。至商船二次抵津時計盤壩之米亦應北上需船剝運。儻不敷用即將二次到津之米先行剝儲天津府縣倉廒廟宇。如不敷卸儲再行剝儲北倉。隨令原剝船隻將所儲米石儘數運通。如彼

時剝船足數裝運即照起剝首次商船米石章程辦理不必分儲北倉更屬簡便○又覆准石壩起卸漕糧每年額製口袋十八萬條令倉場侍郎轉飭坐糧廳親身點驗截記不得稍有偷減亦不得以稀薄者充數至添置口袋五萬條木斛一百隻所需各價均於通濟庫給發趕辦惟添置之袋應由坐糧廳查驗截記寫明添置字樣添置木斛亦照同較準烙印以便起卸用竣時報部覈辦○六年奏准每縣帶解制斛十面經用道府印烙到上海時仍由道府各員將

領頒鐵斛眼同船戶較準即令該船戶畫押再
加監兌委員印封為據。二十八年覆准本年
海運漕糧併為一次運津因轉剝不及援照暫
卸北倉章程辦理自屬可行惟北倉截卸由船
入倉復由倉入船終不如徑行運通之為直捷
現經會議令於二月內全數放洋原期迅速竣
事剝船裝運以一百六十隻為一起約裝米四
萬石抵通交卸按照海運起米章程計算每起
四萬石不過一日即可起卸清完今官剝民剝
兩項船隻已有二千七百隻之多誠能於通壩

一到即驗。一驗即收。則輪轉裝載既無轉剝。不及之虞。即不致有入倉出倉輒轉紛繁之慮。應由倉場侍郎飭坐糧廳於剝船抵通之時。趕緊驗收。俾令迅速回空。藉資周轉。不准稽遲。致滋延誤。如果沙船一時併集。實形壅滯。再由驗米大臣察看情形酌辦。○又奏准。常年河運白糧。係由旗丁自雇民剝運。現在官剝船恐不敷用。此次海運白米。計共五萬二千餘石。俟運通時。即全數雇用民剝。以示區別。而昭慎重。○又覆准。此次海運。期於一起完竣。自應先期寬為。

籌備剝船現已調用官剝一千九百隻雇用民
剝八百隻較之道光六年海運撥雇船隻有贏
無紓將來剝船抵通應令倉場衙門一到即驗
一驗即卸自足以敷周轉儻江蘇辦理海運不
能如期而河運南糧已到計其時天津驗收海
運漕糧總可起運過半如楊村酌留剝船不敷
河運南糧之用或酌分起剝海運漕糧之剝船
或再添雇民船臨時相機辦理毋庸截留東省
軍船以歸簡易○又奏准海運漕白糧米天津
斛收最關緊要上屆用存木斛僅餘十五隻應

照式添造八十五隻。查天津府庫舊存部頒鐵
斗向為豫東小米較斛較之用現飭各屬自備漕
斛用上海縣庫鐵斛較準由監兌委員驗明印
烙加黏印花給沙船帶赴天津並將部頒鐵斛
隨同委員解往以便與天津鐵斗倉場木斛呈
請驗米大臣督同較驗用昭畫。○咸豐元年
覆准白糧首重米色應飭各屬慎選好米於運
送時籤派親信家丁妥為照料先防剝船偷竊
攬水諸弊每米一石概用加重麻袋一隻裝儲
並襯黃表紙二層縛緊袋口加貼印花到滬後

責成局員驗明如有印花破損黃紙潮溼以及升合不足者勒令州縣將米易換至所需剝船水腳照案由屬自備亦於封條之上註明住日給錢若干剝米一石給錢若干以免差役擾累迨米上船之後責在船戶今將原袋運送儻到津查無麻袋或有潮溼攪和虧短即令船戶賠償與州縣無涉仍於上海交兌時由委員認真查驗公同封取樣米飭交沙船帶津比驗○又覆准各屬運滬米石由上海縣先期將奉部頒存鐵斛為式做成木斛多張較準後呈送糧道

烙印留於上海局應用一面將部頒鐵斛交給天津委員由旱路帶赴天津仍由各屬於剝運時各備烙印木斛兌米完竣即交沙船帶往務須每船各帶一二張以備到津應用○二年奏准起米口袋例定歲製十八萬條原足敷用而起米遲延總藉口於口袋不敷輪轉推求其弊一由於經紀侵蝕偷減致令缺額一由於橋倉阻滯周轉不及致令積壓明年海運並宜各清各弊隨時嚴懲如橋有積壓當參橋監督倉有積壓當參倉監督橋倉均有積壓一併查參若

均無積壓而每日起卸不及三萬石之數是原備之口袋顯有缺額當叅坐糧廳並令倉場侍郎轉飭坐糧廳務於辦理先漕事宜時認真檢驗不得缺少更嚴飭橋倉各監督迅速轉運毋許車戶花戶人等故意留難致滋遲誤如有前項弊端立予究辦○九年議准江蘇省海運漕糧向俱備帶鐵斛赴津較對現因上屆運米所用鐵斛尚未解回飭令頭批起運米船攜帶上海縣較準木斛赴津較準先行開兌仍轉飭赴津委員請領糧道衙門之部領祖斛帶津聽憑

較對俟該委員等帶斛抵津時即由天津驗米大臣認真較驗兌收○又覆准春閒置買新袋八萬條搭配上年舊袋縫補湊用現已起竣漕米一百六十餘萬石查看實已虧耗亟宜添置惟此項布疋向在保定大莊地方改機定織刻下趕辦不及已在附近地方設法購覓成做新袋三萬條隨後再由大莊源源購買其春閒所置及補用新舊口袋仍令挑選縫補以備搭用○同治七年奏准每剝船十隻選派頭目一名每起剝船五十隻內選派總頭目一名於每起

剝船起運之先。取具該總頭目切實甘結。遇有舞弊之船。除將本船戶治罪外。並將該總頭目一併嚴辦。八年奏准官剝船隻裝米運通向章。以一百隻為一起。同治四年因剝船短少。經駐津驗米大臣奏明。每起剝船一百隻分作前後兩運。每運五十隻裝洪斛米八千石。迨次年以後。遂以五十隻為一起。押運員弁銀兩分半支給。此次請將每起津貼經紀銀三十一兩四錢。遵照奏案。按起封交駐壩委員呈送駐通驗米大臣覈辦。十一年奏准嗣後海運白糧抵

津由各該糧道自雇民船剝運赴通。毋庸在津
候驗。

欽定大清會典事例卷二百十二

戶部

海運

經紀夫役 分別油船 加修雙價 搭載貨物 沙船停泊
鐵卸暫困 口

糧腳價

經紀夫役。道光五年復准通倉經紀一百數十名。除留壩收漕外。先期分派來津者不過五六十名。應添增人夫斗斛儘力多起。剝運船隻即陸續開行。押運人役亦可輪轉更替。所有前到沙船先行起剝米五十萬石。分作十起轉運。每剝船一百六十隻為一起。由經紀自撥親信。

委人分起押運開行。每起仍由鎮道派委文職
武弁各一員隨帶兵役各十名督同船頭彈壓
照料俟運抵通壩由該經紀所派之人自行交
倉以專責成。押運各員役即稟知倉場衙門趕
緊馳回接押尾後各起米船其第二次海運到
津由上園剝赴北倉至北倉轉運赴通亦照此
辦理。○又覆甚由裏河轉運大通橋如有短少
潮溼惟經紀是問務飭該經紀等小心承辦不
得推諉至船戶得價受雇承運官糧毋得聽從
經紀作弊而經紀以在官人役並得有加增飯

折銀米既令押運自不得仍令船戶作弊如起
剝後米色米數不符即令經紀船戶分賠並各
治以應得之罪○又覆准經紀由海船起卸免
剝每剝運一次即責令該經紀本身或自雇親
信之人隨同押運官沿途照料如有偷漏短少
及攬水情事查係經紀之人作弊即責令經紀
賠補並治以應得之罪如係船戶作弊即責令
船戶並船頭分別賠補仍責成押運官員隨時
秉公體察不許經紀人役藉端勒捐○又覆准
商船等航海遠來係民運官糧非尋常旗丁轉

運漕糧可比斷不可任該經紀書役等稍有勒
捐留難務於經紀吏役內揀擇誠實之人派令
辦剝如有刁難勒索情弊許該商民等指名喊
控即行嚴辦○又覆准海運漕糧係由商船領
邏查驗米樣後該經紀等止須帶領斛手到船
起卸並無與該商人船戶交涉之事僅該經紀
等有藉端刁難勒索需索情事一經發覺立時
鎖拏交地方官嚴行治罪○又覆准沙船收入
天津海口至東關上園地亦河程一百八十里
係屬逆流每船約用緯夫十五名按沙船一千

六百隻計算。約需緯夫二萬四千名。照日行五十里。數計應分四日行走。每名日給制錢八十文。共需錢七千六百餘千文。其出口係屬順流。毋庸加緯。所有雇緯銀兩。由兩江總督。江蘇巡撫。在各州縣水腳項下解直備用事竣。由該督等。覈銷如尚不敷。即令蘇省補解。其餘則撥歸天津道庫。節年墊發。剝價○二十八年覆准天津交兌以後。責成經紀一手經理。並飭令天津通永二道。督率沿河各員。會同委員。逐程趨邇。所撥官兵。按段接催。毋稍玩誤。如經紀剝船人。

等查有串通偷漏用藥使水等弊。該委員弁丁務即不分畛域嚴密查拏。毋僅以按段接催了事。○同治八年議准向來天津每起剝船派委文武員弁各一員。現據天津道詳稱該員等備員充數毫無裨益。應即全行裁汰。將所省薪水役食等項每起銀六十兩改給經紀作為添雇代役之需。准如所請辦理。儻辦理不善。剝船仍舊舞弊。惟該天津道是問。○又奏准上年成案以剝船五十隻為一起。由坐糧廳於原雇代役二名外。再令承運經紀添雇代役三名。每名經

管船十隻責令互相查察此次仍行照辦○又
議准承起承運本係經紀之責此次天津道既
加給津貼銀兩即由倉場侍郎轉飭各該經紀
於向雇代役之外多雇數名認真稽察儻再虛
應故事任聽剝船舞弊甚或通同作弊除將欠
米照章責令經剝分賠並將船戶嚴行懲辦外
仍由倉場侍郎駐通驗米大臣將該經紀嚴行
治罪查抄備抵

搭載貨物○道光五年奏准商運米船八成載
米酌留二成載貨並由海關查明免稅放行○

六年奏准。現在漕糧起運船多貨少。未能一律攬載貨物。若勻出一艙。即多運一艙之米。應於初運船隻儘數裝載。不必拘定二成裝貨之議。仍每石給運腳銀四錢。耗米八升。其已裝客貨二成。不願加米者。聽。並於兌竣時發給三聯印照黏單。加註添裝某縣米數。蓋用糧道印信。以便抵津之日。先憑執照米數兌收。一面由上海公所補造加米另冊。註明船戶某人。原裝某縣正耗米石若干。加裝某縣正耗米石若干。仍另造簡明清冊。將各船裝米執照數目。飛咨倉場。

及天津驗米大臣以後隨兌隨報按五日一咨
不必拘定初運次運之期○二十八年奏准商
船二成載貨由海關查明免稅計數請豁稅額
係裝米千石准帶貨物二百石論石而不論價
若照時估物價分別成數則貴賤懸殊商船難
免賠累仍照舊章以石計算不論價值高低如
有二成以外之貨在津銷售則在津納稅在關
東銷售則在關東納稅○咸豐六年各准本屆
海運漕糧各口岸遇有商船到口速即驗明護
照將二成貨物免稅如二成以外及販豆回南

奏仍令照例納稅毋任偷漏○九年議准現奏定洋藥釐稅章程凡各關海口每洋藥一百斤納稅銀三十兩與尋常貨物不同嗣後海運沙船進口攜帶洋藥者令照新章納稅並於貨單內註明以免牽混其餘貨物仍照舊章免稅○同治五年議准商船兩旁跨帶竹木係因遠涉重洋防禦風濤之用且係粗笨之物例定稅則無多亦應與二成貨物一律免交關稅所有沿海各關俟海運商船到口均行查照辦理○又議准海運商船二成帶貨向係按米石斤數計

算。浙江省初行海運。曾經酌定。以一百二十斤為一石。應即查照覈計。○又議准。漕船到津米石交清後。即由津局蘇浙糧道分別填給該船未數某日交清。准在天津奉天各口自運回貨。全行免稅印照。持赴天津牛莊各關呈驗放行。交米未清之船。概不給照。○六年議准。如所帶二成貨物在津未能銷完者。即照案轉至奉天銷售。由津局給予免稅照單。以憑查驗。○九年議准。承運漕糧釐捐五百石以上之沙甯東衛各船。原捐較重。應將出口雜貨各捐分別酌減二

三成以恤商情。其原捐較輕各貨並五百石以下之沙甯東衛各船暨閩廣船隻仍各照常收捐。統由該督撫等轉飭局員出示曉諭毋得牽混。十二年咨准商局輪船運米由上海道填給免稅執照如帶有洋藥及二成之外另帶餘貨均照沙甯各船例納稅。

沙船停泊○道光五年覆准天津東關外龍王廟河身狹窄難容多船迺下六里餘上園地亦河面寬闊沙船到此專靠一岸停泊挨次交免其兒竣空船即令折回另擇寬處停泊隨潮回

帆以後重船亦即挨次前進交兌不得搶前壓後致啟爭端其受兌剩船亦分定幫數在龍王廟至上園一帶與沙船對岸排列兌竣一幫即押赴龍王廟以上停候開行空船亦即挨次前進受兌總期魚貫蟬聯不使擁擠亦不令間斷以免稽遲仍由營派委弁兵自海口起沿途分設汛鋪催重趨空並由該地方官雇撥緯夫拉輓前進毋任無故停留○六年奏准沙船苦蓋俱由各縣自備竹木席片鐵釘氣筒等物先行整艙每裝米一艙上蓋稻草一層以收潮氣○

又奏准凡沙船歸次派定某處米數即懸挂各色旗號排列成行。剝船一到各認旗號就幫解免。咸豐五年議准來歲海運新漕恐江浙兩省同時起運交米剝船不免擁擠應將泊船處所先期勘定務令兩省剝船各歸應泊處所毋稍混雜。九年議准後批米船年內未能交兌即令暫泊海口俟春融時進口交兌。同治四年奏准先期飭令天津鎮道督率員弁於沙船進口查驗器械之時認真盤詰不容匪徒溷迹亦不准水手人等無故上岸閒游滋事其沙船

外雇水手。未經列入護照者飭令安置海口。俟該船卸空出口時再行帶回。○五年奏准紫竹林新關為洋商輪船停泊之所。應飭各洋商留心緩行。免致沙船磕損。○七年議准漕船駛進津沽河面狹窄。常有沈船失米之事。現於大沽添設海運外局。○九年議准商船到津向在紫竹林一帶排幫候驗。嗣因該處洋船聚集。改於紫竹林以上排幫。至風神廟為止。惟該處僅容二十四排。每排兩船。須分作五日驗。兌各船守候。既涉稽延。且米色亦易蒸變。現查風神廟以

上水次甚大為向來停泊剝船之所若讓出彼處為各米船排幫將空剝船移泊於上庶米船排數可以多添免卸即可迅速商船得以及早回帆僅南船不敷裝載尚可接運二批應由直隸總督轉飭天津道縣察看情形妥為籌辦分別油船加修變價○道光五年覆准剝船裝運米石必須船無滲漏方免潮溼之虞務即派委妥員逐一確實查驗分別油船加修一律堅固俾資剝運儻仍有滲漏處即將承辦之員嚴行參處○又覆准油船一項除民船毋庸扣

繳外所有官剥船隻仍照北倉轉運之例。每百石扣繳銀一兩二錢四分四釐。毋庸議加。仍俟漕竣。覈明銀數。由坐糧廳移咨蘇省。在漕贈等項銀內。提扣解交天津道庫。分別支給歸款。○又復准各州縣經營剥船。每年例給油船銀五兩三年小修一次。例給修費銀二十兩。現在續增剥船。造解未久。照例油船堪以撥用。惟原額剥船。應於今冬漕竣。逐一挑驗。除船身堅固者。照例分別油船小修外。其損壞較甚之船。非油船小修所能完固者。即覈實估計。撥項加修所

需修費即於道庫節存油船項下動撥。令該督派委委員逐一確實查覈。分別油船加修。務於今冬一律修理堅固。俾資剥運。○二十八年覆准現在原額剥船已逾十五年滿料之隸續增加剥船自排造解直亦有七八九年不等。上年雖已挑驗興修。惟接剥海運往返輪轉倍形喫重。其實在齡舊之船修費如果不敷酌量加增仍照舊案統計先後所給加修之費不得逾三十兩之數。由天津道籌款動用清河道前往督辦勒限二月十五以前將船身一律修理堅固。器

具一律置備齊全。覈實驗收。並將船銀各數分
析報部查覈。○同治五年奏准。各船商因船身
久未修整。懇加運米水腳。以免誤運。所有本屆
漕米每石酌加銀一錢五分。督令將承運各船
購料鳩工。大加修船。即東衛各船亦一律支給
以示公溥。○十三年奏准。直隸省沿河各州縣
官剝船一千八百隻。修船等事。向係天津道督
率楊村通判管理。今南漕起剝。雖改歸糧道自
辦。而此項剝船。斷非南省所能統。年經理自應
仍於天津設立官剝總局。每屆漕前。由楊村通

判認真修船。按百隻為一起，排列水次，移會總局交江浙局員收用，儻各船修船不堅，歸直省局員究辦。○光緒十年議准，向給沙甯船修費每石一錢五分，覈減一錢，每石以五分給領。仍按現運米數計算，不得先行放給。所有八九兩年分沙甯船修費，即按減定每石五分之數報部覈銷。其八九兩年輪船修費，仍令全數追繳。嗣後永遠不准給領。

截卸暫回。○道光五年覆准天津府縣就近將該處空出各倉，並天津東關附近寬大廟宇廣

為豫備其倉廩廟宇均鋪墊席板毋令潮溼屋上均加拘抿免致滲漏北倉亦照舊令天津運使飭商修葺完固以便收儲○又覆准天津東關外上園地方高阜寬廣又對面雙廟地方亦甚高敞二處約可露囤四五十萬石來年首次海運抵津計有漕米八十餘萬石除一半轉運通壩外一半即在上園等處露囤俟官剥船轉回再行裝運惟露囤不便過夏二次海運抵津約計米數先剥赴北倉卸儲數十萬石下餘五十餘萬石徑運通倉俟剥船轉回再由北倉陸

續運通。又覆准天津北倉可儲洪解米四十
餘萬石計平解米五十餘萬石。本年截卸米石
過多應令倉場侍郎轉飭於明年冰泮時迅速
起運勒限完竣以為海運米石截卸之地如逾
限不完即予參處。又覆准來年蘇省漕糧一
時轉運不及暫於天津東關外上園雙廟兩處
露囤先期整治平坦周圍土築牆垣各以百丈
為率迎面空留丈餘安設柵欄俾資啟閉四面
挑溝宣泄雨水仍於圍牆內固米之處多備秫
稭席片分設鋪墊苫蓋並搭蓋席棚四圍包括

以蔽風雨。棚外多搭窩鋪為兵役守護之所。沙船到津挨次驗收。毋令先後參差。即就剝船先兌米五十萬石於裝載後分起開行。下餘米石即起岸固儲俟剝船轉回裝運赴通交收二次。運到漕糧亦照此辦理。○又覆准漕米卸儲倉廩廟宇之時。令天津鎮多派兵弁嚴密巡邏。毋致偷漏。○又覆准大通橋每年額雇長車一百二十輛海運暨盤壩南糧並北倉固儲滯漕奉天豫東米麥豆石均需車拉運。如車輛短少必致轉運遲滯添車又須添袋糜費甚多。莫若於

城外四倉及號房暫固。是不必添車添袋而運務可期迅速。因費所需無多。於公項仍有節省。仍飭大通橋監督撙節辦理。隨即分運各倉。俾令勻儲。其因費於通濟庫支發。事竣覈實報銷。並由步軍統領衙門屆期派員嚴密稽查。毋令車戶人等乘機偷竊。○咸豐二年奏准大通橋進運各倉米石。例應按日轉運三萬石。俾口袋得以迅速回空。足供通壩起卸之用。惟時值大雨泥淖難行。所有京通各倉應運米石暫行寄困太平倉二十萬石。俟通壩埽數完竣。再行分

投起運進倉以符原派之數。如果天晴道乾仍即飭令車戶人等趁時趕運。以期少因多運。

九年

諭天津運米剝船現已陸續抵通若待上游放水下注裏河水勢暢旺。挨次轉運恐停船待驗不能迅速回空。所有抵通米石著驗收後暫行截卸通州中西二倉。俾得迅速轉運所有車腳等項准其作正開銷。惟經紀船戶人等起卸米石向有偷漏攬和情弊。令多一番起卸更恐作弊叢生著該侍郎等督同司員坐糧廳嚴密稽查。毋令藉端舞弊。○同治十二年咨准。

輪船裝運米石。每月每船可運兩次。而各屬剝
船恐難計日而到。如剝船到滬。輪船未回。應將
米石先行固棧。以免守候。又輪船運米抵津或
驗未大臣尚未莅臨。或津剝轉運不及。一時未
能驗卸。亦應起儲津棧以便該輪船迅速回南
接運。所有滬津兩處應需棧費。及上下夫力等
項均歸輪船商局自認。與海運局無涉。

口糧腳價。○道光五年覆准海運到津遲早難
定。所有剝船不能不令在津守候。自應給予口
糧以資接濟。至雇用民船亦應給予守候之價。

官剝船以運完滯漕到津之日起民船以受雇
到津之日起均至受載漕糧之前一日止約計
牽算守候十餘日以每船船戶一名舵工水手
四名共五名每名每日給銀五分計算每船日
需銀二錢五分民船亦照此數額給不准逾額
其二次海運到津不論各船守候與否均令於
所得雇價內自行通融不准再行支給口糧以
示限制約共需銀七八千兩即由兩江總督江
蘇巡撫在各州縣水腳項下解直覈實給發事
竣由該督覈銷如尚不敷即令蘇省補解其餘

則撥歸天津道庫節年墊發剩價○六年

諭五牘水腳杠價自道光四五兩年係照三釐舊額支領本年已屆限滿應行裁減三毫惟因海運及盤壩漕糧並銅鉛奉豆等項一時雲集兼有轉運北倉滯漕豫東粟麥各項又催令軍船回空加價添夫趕辦若遽行裁減三毫役力未免竭蹶著自本年起准其再展緩二年照三釐舊額支給俾紓役力至道光八年仍應裁減辦理○同治五年奏准浙江省海運封雇商船於例給水腳之外每石酌增銀一錢五分以資津貼○又議准商船酌加水腳一錢五

分既不在原定八錢之內應令另款開報免致

繆耗十年

諭李鴻章奏請酌增官剝船腳價及民船守候口糧一

摺江浙海運漕糧由津運通年來剝船苦累弊竇叢生其民船守候口糧於長蘆鹽捐加貼運費及津沽各項不裝糧之民船派捐津貼歷年以來商民均屬困苦擬請自同治十年為始無論海運正供籌備剝船每裝米一百石加給腳價銀五兩並另籌接運白糧民船守候口糧銀一萬二千兩此項銀兩先儘蘇浙糧道庫漕項內撥解如有不敷即由各該省司庫

通融借撥即著妥為籌辦以利轉輸此項銀兩准其作正開銷○又議准籌增官剝船價及民船守候口糧自同治十一年為始在續增經費五分項下

每石減銀二分五釐再於奏准折撥扣存給丁津租及給丁行月等項餘賸款內每石酌提銀二分五釐抵充新增北船剝價至蘇浙兩省白糧民剝船守候口糧每屆需銀一萬二千兩應照浙江省白糧米數按石勻撥由津局移解遵照部議不動司款亦不在原定八錢數內仍將動用銀數報部查覈並於漕項奏銷冊內詳細註

明以清款印